



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 24 (12.085)

Баҳоси эркин нарҳда

ПОЙТАХТНИНГ

БИР
КУНИ

Таълим



ЎЗБЕКИСТОН ЁШЛАРИНИНГ ИНТЕЛЛЕКТУАЛ САЛОҲИЯТИ ЮКСАК

Президентимиз Ислам Каримов ёшларнинг таълим-тарбияси ва профессионал тайёрларлик даражаси бизнинг келажакимизни, демократик ва иқтисодий тараққиётимизнинг тақдирини ҳал этишини доимо таъкидлаб келади. Шу маънода, ёшларга мамлакатимизни ислоҳ этиш ва янгилаш бўйича белгилаб олган юксак мақсадларимизга эришиш йўлида ҳал қилувчи куч, таянч ва суянч сифатида қаралмоқда.

Мамлакатимизда таълим соҳасини босқич-ма-босқич, аниқ мақсадга йўналтирилган ҳолда ислоҳ қилиш бўйича узоқни кўзлаган дастурлар изчил амалга оширилмоқда. Президентимиз ташаббуси билан қабул қилинган «Таълим тўғрисида»ги Қонун ва Кадрлар тайёрлаш миллий дастури баркамол авлодни вояга етказиш, етук мутахассислар тайёрлаш, ёшларнинг пухта билим олиши, иқтидорини тўла намоён этиши, қобилиятини юзга чиқариши, жамиятда ўз ўрнини топишида муҳим омил бўлаётган. Бу борада халқаро ҳамкорликни ривожлантиришга алоҳида эътибор қаратилмоқда. Жумладан, мамлакатимизда дунёдаги бир қатор нуфузли университетларнинг филиаллари ташкил этилган. Тошкент шаҳридаги Турин политехника университети Ўзбекистон ёшларининг жаҳон стандартлари асосида тахсил олиши йўлида муваффақиятли фаолият қўриётган аша шундай олий таълим даргоҳларидандир.

Давлатимиз раҳбари Ислам Каримовнинг 2009 йил 27 апрелда қабул қилинган «Тошкент шаҳрида Турин политехника университети фаолиятини ташкил этиш тўғрисида»ги Қарори мувофиқ очилган ушбу олий ўқув юрти ўз фаолиятини Ўзбекистон Олий ва ўрта махсус таълим вазирлиги, «Ўзавтосаноат» акциядорлик компанияси ҳамда Турин политехника университети (Италия Республикаси) билан ҳамкорликда амалга оширмоқда. Европадаги етакчи олий таълим муассасасининг мамлакатимиздаги мазкур филиалида машинасозлик технологиялари, архитектура ва қурилиш, саноатда ахборот-коммуникация технологиялари ва автоматлаштирилган бошқарув тизими, энергетика йўналишлари бўйича юқори малакали мутахассислар тайёрланади.

Илк битирувчиларига 2013 йилда йўлланма берадиган ушбу университетнинг асосий мақсади Турин политехника университетида (Италия Республикаси) қабул қилинган таълим дастурларига ҳамда олий таълим сифатига қўйиладиган умумэътироф этилган халқаро талабларга, Ўзбекистон Республикасининг Кадрлар тайёрлаш миллий дастури мақсад ва вазифаларига мувофиқ автомобиль, машинасозлик ва

электротехника саноати, энергетика, саноат ва хўжалик объектларини лойиҳалаштириш ҳамда қуриш корхона ва ташкилотлари учун юқори малакали мутахассислар тайёрлашдан иборат.

Ушбу олий ўқув юртига кириш имтиҳонлари математика, физика, мантиқ фанлари бўйича Турин политехника университети томонидан тавсия этилган дастурлар асосида ўтказилади. Шунингдек, абитуриентлардан Халқаро инглиз тили тести тизими бўйича имтиҳон топшириш талаб этилади. Олти юзга яқин талаба тахсил олаётган мазкур университетда дарслар инглиз тилида олиб борилади. Талабаларга ўзбекистонлик мутахассислар билан бирга Турин политехника университетининг юқори малакали профессор-ўқитувчилари сабоқ беради. Таълим даргоҳидаги технопарк талабаларнинг амалий билими, кўникма ва тажрибасини оширишга хизмат қилаётган. Унинг машинасозлик бўлимида соҳага доир асбоб-ускуналар ва замонавий роботлар ёрдамида металл қуйиш, унга ишлов бериш, конструкция ва деталларнинг мустаҳкам ва чидамлилигини ўлчаш каби қатор амалиётлар бажарилади. Технопаркнинг сейсмология муҳандислиги ва сейсмораздош-ли қурилиш бўлимида эса ноёб сейсмик қурилма ёрдамида турли иншоот ва биноларнинг, шунингдек, қурилиш материалларининг сейсмик мустаҳкамлигини ўрганишга оид тадқиқотлар ўтказилади.

Рейтинг жиҳатидан нафақат Италияда, балки Европада ҳам етакчи ўринларда турадиган Турин политехника университети 1859 йил асос солинган. Бугунги кунда дунёнинг элликдан ортиқ мамлакатда унинг филиаллари бор. Туриндаги университет ҳузурида Fiat, GM, Allitalia, Compaq, Ferrari, IBM, Michelin, Microsoft, Motorola, Nokia, Philips, Pirelli, Siemens каби йirik корпорацияларнинг технопарклари мавжуд. Тошкентдаги университет талабалари уларнинг тажриба ва ишланмалари, ютуқлари билан танишиш имкониятига эга. Бу нафақат автомобилсозлик, балки саноатнинг юқори технологияли бошқа тармоқлари ва дизайн соҳасида ҳам Ўзбекистоннинг салоҳиятини оширишга хизмат қилади.

(Давоми 2-бетда)

Бирлашган Миллатлар Ташкилоти қароргоҳида БМТ Бош Ассамблеясининг қайтадан бошланган 66-сессиясининг расмий ҳужжати сифатида «Ўзбекистонда она ва бола саломатлигини муҳофаза қилишнинг миллий модели: Соғлом она – соғлом бола» ахборот материали эълон қилинди. Унда 2011 йил 24-25 ноябрь кунлари мамлакатимизда бўлиб ўтган Тошкент халқаро симпозиуми ҳақидаги маълумотлар ўз ифодасини топган.

ЎЗБЕКИСТОННИНГ СОҒЛИҚНИ САҚЛАШ СОҲАСИДАГИ МУВАФФАҚИЯТЛАРИ ҲАҚИДА БМТ РАСМИЙ ҲУЖЖАТИ ТАРҚАТИЛДИ

Ҳужжатда қайд этилишича, Ўзбекистон Республикаси Президенти Ислам Каримов ташаббуси билан ташкил этилган ушбу анжуман Ўзбекистон Республикаси Соғлиқни сақлаш вазирлиги томонидан Жаҳон соғлиқни сақлаш ташкилоти (ЖССТ), БМТ Болалар жамғармаси (ЮНИСЕФ), БМТ Аҳолишунослик жамғармаси билан ҳамкорликда ўтказилди. Симпозиум ишида халқаро ташкилотлар раҳбарлари ва вакиллари, АҚШ, Хитой, Россия, Канада, Буюк Британия, Германия, Италия, Испания, Франция, Финляндия, Швейцария, Чехия, Дания, Жанубий Корея сингари жаҳоннинг қарийб 40 мамлакатидан соғлиқни сақлаш вазирликларининг раҳбарлари, тиббиёт соҳасидаги таниқли олимлар, халқаро эксперт ва таҳлилчилардан иборат салкам 300 нафар мутахассис иштирок этгани қайд этилган.

«Илмий анжуманнинг асосий мавзуси Ўзбекистонда мустақиллик йиллари давомида аҳоли соғлиқини, жумладан, она ва бола саломатлигини муҳофаза қилиш ва мустаҳкамлаш, соғлом авлоднинг вояга етказиш, бу борада ягона миллий тизимни яратиш, тиббиёт соҳасини тубдан ислоҳ қилиш йўлида амалга оширилган туб ислохотлар натижаларини чуқур таҳлил қилиш билан изоҳланади.

Симпозиум доирасида «Замонавий босқичда Европа минтақасида Мингйиллик ривожланиш мақсадларининг 4 ва 5-бандларига эришишнинг устувор йўналишлари»га бағишланган давра суҳбати, сателлит конференциялар, етакчи олим ва мутахассисларнинг намунавий тиббиёт клиникалари ва марказларида оналик ва болаликнинг долзарб масалалари бўйича мастер-класслари ташкил этилди», дея қайд этилади мазкур ҳужжатда.

Ўзбекистон Президентининг 2011 йил 24 ноябрдаги Фармони мувофиқ, Жаҳон Соғлиқни сақлаш ташкилоти Бош директори Маргарет Чен ЖССТнинг соғлиқни сақлаш соҳасидаги фаолиятини ташкил этиш ва бирламчи тиббий-санитария ёрдами ривожлантириш, хотин-қизлар ва болалар соғлиқини сақлашнинг Глобал стратегиясини амалга ошириш борасидаги улкан хизматлари учун I даражали «Соғлом авлод учун» ордени билан мукофотлангани ҳужжатда хабар қилинади. Давлатимиз раҳбари Ислам Каримов Маргарет Ченга ушбу юксак мукофотни топширди.

Маргарет Чен анжумандаги ўз чиқишида Ўзбекистонда соғлиқни сақлаш соҳасига, шу жумладан, она ва бола саломатлигини муҳофаза этишга улкан эътибор қаратилаётгани, ушбу соҳа бош

устувор йўналиш этиб белгилангани нафақат бугунги кун, балки келажак нукта назаридан ҳам энг тўғри стратегия эканлигини алоҳида таъкидлади.

«БМТнинг 2000 йилда ўтган Саммитида қабул қилинган Мингйиллик ривожланиш мақсадлари (МРМ) жаҳон ҳамжамияти учун инсонлар турмуш даражаси ва фаровонлигини яхшилаш бўйича қатор муҳим вазифаларни белгилаб берди, – деди ўз чиқишида Жаҳон соғлиқни сақлаш ташкилотининг Европа минтақаси бюроси директори Жуанна Якаб. – Ҳужжатнинг 4 ва 5 бандларидаги мақсадларга эришиш камраб жажон андозалари даражасидаги ўзига хос миллий модели яратилганини таъкидлади. Сифат жиҳатидан янги, энг юксак талабларга жавоб берадиган, шохлиқчи тиббий ёрдам кўрсатиш ва турли йўналишларга ихтисослаштирилган марказларни қамраб олган тиббий муассасалар тармоғи ташкил этилди. Вилоятларда катталар ва болалар учун кўп тармоқли шифохоналар, янги туғуруқ мажмуалари барпо этилди, соғлиқни сақлаш тизимининг бирламчи бўғини, хусусан, қишлоқ врачлик пунктларининг базаси мустаҳкамланди.

Ҳужжатда, шунингдек, Тошкент Халқаро симпозиумининг резолюцияси ҳам тақдим этилган бўлиб, унда Тошкент халқаро симпозиуми иши якунларига кўра, Ўзбекистонда она ва бола саломатлигини муҳофаза қилишнинг миллий модели: «Соғлом она – соғлом бола» дастури тараққиёт йўлидаги Глобал мақсадларга эришишдаги энг самарали стратегиялардан бири сифатида тан олинганлиги ҳамда Ўзбекистонда оналар ва болалар соғлиқини муҳофаза қилиш борасида эришилган салмоқли ютуқлар эътироф этилганлиги таъкидланади.

Ушбу расмий ҳужжат Бирлашган Миллатлар Ташкилоти Бош котиби номига тақдим этилган бўлиб, у БМТ ҳузуридаги 192 давлатнинг миссиялари ўртасида жаҳоннинг олти тилида тарқатилди.

«Жаҳон» АА
Нью-Йорк



МАМЛАКАТИМИЗДА

● Кеча Тошкент шаҳар ҳокимлигида 2011 йилда Тошкент шаҳрини ижтимоий-иқтисодий ривожлантириш якунлари ва 2012 йилда иқтисодий тараққиётни барқарор ривожлантиришнинг энг муҳим устувор вазифаларини амалга ошириш масалаларига бағишланган фаоллар йиғилиши бўлиб ўтди.

● Кегайли туманида ўтган йили тadbirkorликни ривожлантириш орқали хотин-қизлар учун 1000 га яқин иш ўринлари яратилди. Хусусан, тadbirkor Арухан Қайипбекова ўзи раҳбарлик қилаётган «Жайҳун Кегайли» масъулияти чекланган жамиятида банкнинг 85 миллион сўмлик кредити эвазига тикувчилик цехи очди. 10 нафар хотин-қиз меҳнат қилаётган корхонада қисқа муддатда 135 миллион сўмлик болалар кийим-кечаклари тайёрлашга эришилди.

● Ангор туманидаги «ГЭМ Ангор қурилиш» хусусий корхонасида алюмин профилдан эшик ва дераза ромлари ишлаб чиқариш йўлга қўйилди. Айни пайтда 10 киши меҳнат қилаётган корхонада ойига 200 миллион сўмлик маҳсулот тайёрланиб, намунавий лойиҳалар асосидаги тураржойлар қурилишга етказиб берилмоқда.

● Фаллаорол туманида кичик бизнес ва хусусий тadbirkorлик субъектларини молиявий қўллаб-қувватлаш мақсадида яқунланган йил давомида тижорат банклари томонидан салкам 10 миллиард сўмлик кредитлар ажратилди. Жумладан, банкнинг 47 миллион сўмлик молиявий қўмағи билан ўтган йил охирида «Умид барака ривож» МЧЖ қошида черепица ишлаб чиқариш йўлга қўйилди. Шу туфайли қўшимча 12 та иш ўрни яратилди. Ўтган қисқа даврда жаммо маҳаллий хом ашёдан 100 миллион сўмликдан зиёд томёпкич материаллари тайёрлашга эришди.

ЖАҲОНДА

● Финляндиянинг «Nokia» мобил телефонлар ишлаб чиқарувчи компанияси 2011 йилни 1,2 миллиард евро зарар билан якунлади. 2011 йилнинг тўртинчи чорагида мазкур компания 19,6 миллион смартфон ва 93,9 миллион мобил алоқа воситаларини ишлаб чиқарган. Смартфонларга бўлган талаб 31 фоизга камайган. Шу сабабдан савдо ҳажми кескин пасайган. Компания раҳбари Стивен Илопнинг сўзларига кўра, ўтган йили «Nokia» «Microsoft 2» компанияси билан шартнома имзолаган. Унга кўра, WP7 – Lumia 800 ва Lumia 710 янги турдаги смартфон ишлаб чиқариш йўлга қўйилган.

● Мексиканинг Толука шаҳри аэропортида жомадонида 25 миллион песо (қарийб 2 млн. АҚШ доллари) микдоридagi пулни мамлакатдан олиб чиқиш кетмаётган амалдор ҳибсга олинди. Веракрус штатининг мансабдори маблаг манбасини айтиб бера олмаган. Штат маъмурий суди пулларнинг ҳудуддаги маданий-маърифий тadbirkorлар учун мўлжалланганини, амалдор эса, маблаг билан хорижга қочишга шайланганини баён қилмоқда. Мексика пойтахтида мазкур воқеадан сўнг жиддий текириш ишлари олиб борилади. Натижада, давлат маблагларини ўзлаштирувчилар гуруҳи пойтахтдан бошқариб турилгани маълум бўлди. Текширувлар ҳамон давом этмоқда.

● Италиялик мутахассисларнинг фикрига кўра, «Коста Конкордия» сайёҳлик кемаси билан рўй берган ҳалокат оқибатларини бартараф этиш учун 10 ойгача вақт кетиши мумкин. Сўнги хабарларга қараганда, денгизда об-ҳаво шароитининг салбий томонга ўзгариши боис, кемада олиб борилаётган қидирув ишлари яна вақтинча тўхтатилган. Кема бакларида ҳамон 2 минг тоннадан ортиқ ёнилғи бор. Агар у сувга тўкиладиган бўлса, экологик ҳалокатнинг юзга келиши аниқ.

● Ўтган 2011 йилда Нидерландиянинг электроника маҳсулотларини ишлаб чиқарувчи «Philips» компанияси 1 миллиард 300 миллион евро микдорда молиявий зарар кўрди. Компания фаолиятида ҳали 2002 йилдан буён бундай ёмон натижа қайд этилмаган.

ҚИСҚА САТРАПДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

● **КЕЧА** Бутунжаҳон сув-ботқоқ ҳудудлари куни муносабати билан Ўзбекистон Экологик Ҳаракати ҳамда халқаро ташкилотлар мутахассислари иштирокида давра суҳбати ташкил этилди.

● **БУГУН** Чилонзор туманидаги Тошкент педагогика коллежида барча академик лицей ҳамда касб-хунар коллежлари ўқитувчилари ҳамда ўқувчилари учун ўрта махсус, касб-хунар таълим маркази ташаббуси билан маънавий-маърифий тadbirkor ўтказилди.

● **ОЛМАЗОР** туманидаги барча маҳаллалар фаоллари иштирокида Тошкент Давлат шарқшунослик институти қошидаги Олмазор академик лицейида ташкил этилган учрашув «Маҳалла» хайрия жамғармаси, «Камолот» ЕИҲ туман бўлими Кенгаши, хотин-қизлар қўмитаси фаолиятини янада яхши-

лаш ва самарадорлигини оширишга бағишланди.

● **УЧТЕПА** туманида шаҳар ҳокимлиги ва шаҳар касба уюшмалари ташкилотлари бирлашмаси Кенгаши ҳамкорлигида Меҳнатни муҳофаза қилиш борасидаги билимларни оширишга қаратилган ўқув-машуғуллари бўлиб ўтди.

Шу билан бирга ёш авлоднинг соғлом ўсиши, ўқув юрти ўқувчиларини санитария-гигиена асослари ва биринчи тиббий ёрдам бериш, йўл ҳаракати қоидалари ва ҳуқуқий онгланини ошириш бўйича билимларга ўргатиш, фавқулдда ҳолатларда ўқувчиларнинг ўзини тута билишлари ва ўзгаларга биринчи тиббий ёрдам бериш, Халқаро Қизил Хон ва Қизил Ярим Ой жамияти тарихи ва фаолияти ҳамда Халқаро инсонпарварлик ҳуқуқ ва билимларини тарғиб этиш бўйича иш олиб боради. Бу ташкилот фаолияти билан яқиндан танишиш мақсадида Қизил Ярим Ой жамиятининг Ҳамза тумани бўлими раҳбари Санобар АКТАБАЕВА билан суҳбатда бўлди.

— Кенгашимиз 20.360 нафар жамият аъзолари ва 55 та бошланғич ташкилотларни бирлаштирган, — дейди С.Актабаева. — Асосий йўналишларимиздан бири «Меҳр-шафқат» хизмати бўлганлиги учун тумандаги 60 дан ортиқ қарияларга ўтган 2011 йилда ҳар бир байрамда 151380 сўмлик дори-дармон, 202000 сўмлик кийим-кечак ва 669400 сўмлик озиқ-овқатлар тарқатилди. Кенгаш қошида очилган «Меҳр-шафқат» хизмати ҳонасида 1109 мартаба ёрдамга муҳтож бўлганларга биринчи тиббий ёрдам, 285 мартаба иқтимоий ёрдам кўрсатилди, 1265 мартаба уйларида бориб хошларидан хабар олинди, 19 та кам таъминланган оилаларга 1030000 сўмлик омонат дафтараҳиса очилди. Меҳр-шафқат ҳамширалари ёлғизлар, ногиронларнинг доимий равишда кўнгилларини кўтариб, беминнат ёрдам кўрсатиб келади.

Қизил Ярим Ой жамияти фаолиятдан МЕҲРЛИ КЎНГИЛЛИЛАР САФИДАМИЗ

соғва-саломлари топширилди. Бундан ташқари Ҳамза, «Урта мачит», «Авиасозлар», «Парвоз» ва «Наврўз» каби бир қатор маҳалларда ўтказилган, асосан ёшлар қамраб олинган тадбирлар ота-оналарга ҳам низоҳатда маъқул бўлиб, таълим-тарбия, одоб-ахлоқ, ўзидан катталарни ҳурмат қилиш, ёрдамга муҳтож инсонларга ёрдам беришга ўргатиш борасида ўтказилаётган тадбирлар ёшларга катта сабоқ эканлигини таъкидлаб, ўз миннатдорчиликларини билдирдилар. Мактаб ўқувчилари ўртасида 26 соатлик ўқув дастурлари ўтказилиб, уни яхши ўзлаштирган, «Саломатликнинг ёш дўстлари» мусобақасида галиб бўлганлар ҳам доимий равишда кенгашимиз томонидан тақдирлаб борилади.

Шу ўринда айтиб ўтмоқчи эдимки, Ўзбекистон Республикаси Президенти Ислон Каримовнинг «Ўзбекистон Қизил Ярим Ой жамияти аҳолининг кўмакка муҳтож қатлами — ёлғизлар, кекса кишилар, ногиронлар, кўп болали оилаларга имкон қадар моддий, тиббий, иқтимоий ва маънавий ёрдам кўрсатиб келади».



Беғубор болаликнинг унутилмас онлари

Спорт ЭЛЁРНИНГ АЖОЙИБ ФАЛАБАСИ

Қозоғистонда профессионал бокс бўйича ҳамюртимиз Элёр Фуломов ҳамда қирғизистонлик чарм кўлқоп устаси Чори Алмантаев ўртасида ўзига хос рейтинг жанги бўлиб ўтди.

Қувонарлиси шундаки, олти раунд давом этган мазкур баҳс ҳамюртимиз Элёрнинг тўлиқ устулликда кечди. Ҳақират ҳисса туоғасида рингга кўтарилган ушбу чарм кўлқоп усталари ўртасидаги жангда ҳамюртимиз кучли техника, мустахкам ҳимоя ва залворли зарбага эга эканини намойиш эта олди. Натижада қирғизистонлик боксчи мuddатидан аввал нокаутга учради.

Ақбар ЙЎЛДОШЕВ

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

«ЎЗБЕКИСТОН ТЕМИР ЙЎЛЛАРИ» ДАТК
«ЎЗТЕМИРЙОЙЛОҲОВЧИ» ОАЖ

Barcha qulayliklarga ega bo'lgan, yuqori tezlikda harakatlanuvchi "Afrosiyob" poyezdining muntazam qatnovi yo'lga qo'yildi...

Qo'shimcha ma'lumot uchun: (99871) 299 72 16, 299 76 40, 299 73 24, 005
www.uzrailpass.uz

Периодичность движения высокоскоростного поезда «Афросийоб» с повышенной комфортностью теперь каждый день...

Справки по телефонам: (99871) 299 72 16, 299 76 40, 299 73 24, 005
www.uzrailpass.uz

Ko'lna Samarqand bo'yab sayohatlarni tashkillashtirish... (99871) 299 71 66, 237 86 18

Organizatsiya turistik ekskursiy no Samarqand... (99871) 299 71 66, 237 86 18

www.uzrailpass.uz

«Биринчи Автокорхона» ОАЖ маъмурияти 3 йил меҳнат стажига эга бўлган «Д» тоифали ҳайдовчиларни ишга таклиф қилади. Ойлик маоши 500-600 минг сўмни ташкил этади. Бундан ташқари хоҳловчилар «Д» тоифага ўқитилади. Мурожаат учун телефон: 290-90-14.

«Тошшаҳартрансхизмат» уюшмаси
«Д» тоифага эга бўлган ҳайдовчиларни
Тошкент шаҳри жамоат
транспортуда «Мерседес-Бенц»,
«Исузу» русумли автобусларда ҳамда
трамвай вагонларида
ИШЛАШГА ТАКЛИФ ЭТАДИ

Ҳайдовчиларнинг ўртача ойлик иш ҳақи — 450-850 минг сўм.

Қуйидаги манзил ва телефон рақамларига мурожаат қилинг:

1. «Тошшаҳартрансхизмат» уюшмаси — Юнусобод тумани, А. Темур 1-тор кўчаси, 6-уй, телефон: 233-03-23.
2. «Тошавтобустрас» АК — Юнусобод тумани, А. Темур 1-тор кўчаси, 6-уй, телефон: 234-90-36.
3. «Тошэлектротранс» ДК — Юнусобод тумани, А. Темур 1-тор кўчаси, 6-уй, телефон: 244-24-75.

«Тошшаҳартрансхизмат» уюшмаси

«Respublika Mulk Markazi» ЁАЖ бошланғич баҳоси босқичма-босқич ошиб бориш тартибидан очик аукцион савдосига таклиф этади!

Аукцион савдосига Тошкент шаҳар Олмазор тумани ЖИБ судининг 2011 йил 25 мартдаги ҳукмига асосан «ALP JAMOL BANK» ХОАТБ тугатиш комиссияси томонидан «ALP JAMOL BANK» ХОАТБ балансида бўлган кўйидаги савдо терминал ускуналари кўйилмоқда.

1. «ALP JAMOL BANK» ХОАТБ Қарши филиалида сакланаётган, «VeriFone Vx510 Omnipro» русумли, жами 80 дона терминал, 1 дона картридер. Бошланғич баҳоси — 74 405 382,49 сўм;
2. «ALP JAMOL BANK» ХОАТБ Наманган филиалида сакланаётган, «VeriFone Vx510 Omnipro» русумли, жами 30 дона терминал, 1 дона картридер. Бошланғич баҳоси — 27 961 429,49 сўм;
3. «ALP JAMOL BANK» ХОАТБ Самарқанд филиалида сакланаётган, «VeriFone Vx510 Omnipro» русумли, жами 20 дона терминал, 1 дона картридер. Бошланғич баҳоси — 18 672 638,89 сўм;
4. «ALP JAMOL BANK» ХОАТБ Заңгиота филиалида сакланаётган, «VeriFone Vx510 Omnipro» русумли, жами 60 дона терминал, 1 дона картридер. Бошланғич баҳоси — 55 827 801,29 сўм.

Аукцион савдосида 2012 йил 6 март кўни соат 12:00дан бошлаб ўтказилади.

Аукцион савдосида иштирок этиш учун талабгорлардан аризалар расмий иш кўнлари соат 10:00 дан 16:00 гача қабул қилинади (13:00 дан 14:00 гача тушлик вақти). Аризаларни қабул қилишнинг охири мuddати: 2012 йил 2 март кўни соат 18:00. Савдога қўйилган ускуналар билан тегшли жойига чиқиб танишиш мумкин.

Қўридаги ускуналар 2012 йил 6 мартдаги аукцион савдосида сотилмаган тақдирда, такорий аукцион савдолари 2012 йил 12 ва 19 март кўнлари соат 12:00 да бўлиб ўтишини олдидан маълум қиламиз. Аризаларни қабул қилишнинг охири мuddати: 2012 йил 12 февралдаги такорий савдолар учун 2012 йил 9 март кўни соат 18:00; 19 мартдаги савдолар учун 16 март кўни соат 18:00.

Савдо қилиб деб топилган шахсга 10 иш кўни ичида сотувчи билан олди-сотди шартномаси тузиш мажбурияти юклатилади.

Аукцион савдоларида қатнашиш учун талабгорлар савдо ташкилотчаси билан тузиладиган зақалат келишувга асосан, мулк бошланғич баҳосининг 10 фоизидан кам

бўлмаган миқдорда зақалат пулини «Respublika mulk markazi» ЁАЖнинг ОАИКБ «Ипак йўли банки» Сағбон филиалидаги кўйидаги ҳисоб-рақамга тўлашлари шарт: х/р: 20210000300571452114, МФО: 01036, ИНН: 200933850. Аукцион савдоси ўтказиладиган манзил: Тошкент шаҳри, Олмазор тумани, 1-Корақамиш кўчаси, 1А-уй.

Мулкдорлар диққатига! Сиз учун имконият.

«Respublika mulk markazi» YoAJ Сизларга кўчмас мулк ҳисобланмайдиган барча турдаги мулкларни, хусусан, ҳўжалик юритувчи субъектлар устав фондидаги улушлар, автотранспорт ва бошқа техник воситаларни оммавий савдога чиқаришда маслаҳат-консалтинг хизматларини кўрсатади ҳамда савдоларни қўниги ва сифатли ташкиллаштиришда амалий ёрдам беради.

Кўрсатилган хизматлар «Respublika mulk markazi» YoAJнинг кўп йиллик тажрибага эга малакали мутахассислари томонидан амалга оширилади.

«Respublika mulk markazi» YoAJ Сизнинг энг ишончли ҳамкорингиз бўлишини кафолатлаймиз.

ОЗ-ОЗ ЎРГАНИД ДОМО БИГУР

МАШРИҚЗАМИН — ХИКМАТ БЎСТОНИ

ЯХШИЛИК ҲАКИДА

- Фарзандлар! Сизга насиҳат қилганлар дўстларингиздир, аксинча, ёмон ишларни ўргатадиганлар душманларингиздир.
- Кимки яхшилиқ йўлида уринса-ю, бироқ биронта ёдгорлик қолдирмаса, у яхши деган ном ололмади.
- Яхши деган ном буюк иморатлардан ҳам балодрокдир.
- Қанча-қанча одамлар дунёда йўқлик сари кетишди, катта-катта бинолар қуриб, айвонига номларини битиб қўйишди, уларнинг тани тупроққа айланди, аммо яхши деган номи ҳамон ўлмади яшамокда.
- Яхшилиқ иморати нуқсонлардан холи бўлиб, тирикликнинг офтоби уларни доимо ҳимоя қилиб туради.
- Сен «Яхши» деган номдан иморат тиклашга урин, то одамлар бу иморат деворига номингни «Яхши» деб ёзиб қўйишсин.
- Бир дононинг айтишича, яхши киши шундайки, у доимо ўлим олдинда турганини ўйлаб тезроқ ишлар қилиб қолдиришга уринади. Покдил шундай кишики, у ўзини доимо ҳасад ва ривдан покиза тутлади. Ҳушхулқ шундай кишики, у ёмон ишларни ҳам яхшилиқ билан ёдга олади.
- Яхшилиқ қилганга ёмонлик қилишдан кўра разилоқ пасткашлиқ йўқ.
- Одамлар икки нарса билан тақдирланадилар: яхшилиқ қилган — яхшилиқ билан, ёмонлик қилган — ёмонлик билан.

Хикоят:

Хиндистон китобларида келтирилишича, золим ва жафокор кишиларга ҳеч қачон ишонмаслик керак. Бунга мисол қилиб қуйидаги масални келтирилади. Бир киши биёбонда кетарди. Карвондагилар ўт ёқилган бир жойга етиб келдилар. Шамол ўтнинг учкунини ўчириб, хас-хашаққа илаштириб, ёнғин пайдо қилган эди. Каттагина илон бир ёғочнинг учига чиқиб олиб, қаёққа боришини билмай турарди. Одамнинг унга раҳми келди ва юраги куйиб деди:

— Душман бўлса ҳам, қийин аҳволда қолибди. Қийналганга ёрдам бериш қарам ахлининг фазилати ҳисобланади.

Бечорага ёрдам — у яхши хислат, Хоҳи душман бўлсин, хоҳи у улфат. Асир кетса агар оёқдан бежон, Кўлин тутиб, ёрдам кўрсат ўша он.

У тўрвасини ёғочга олиб илонга тутди ва уни ўтдан қутқариб қолди. Илон тилга кириб деди:

— Мен сенга захар соламан. Одам деди:

— Қандай қилиб яхшилиқнинг муқофоти ёмонлик бўлади?

Илон:

— Одамларда яхшилиқ учун муқофот ёмонликдир. Агар хоҳласанг бу даъвони гувоҳлар билан исботлайман.

Одам:

— Агар гувоҳ топсанг, мени далил билан ўлдирган бўлардинг, сени эса таъна-маломат қилишмасди, — деди.

Узоқдан бир сизир кўринди. Улар сизирнинг олдига боришга одам:

— Яхшилиқнинг муқофоти нима? — деб сўради.

(Давоми бор)

Тузатиш: «Тошкент оқшоми» газетасининг 11.01.2012 йилдаги 7-сон ва «Частный сектор» газетасининг 12.01.2012 йилдаги 2-сонда чоп этилган «Respublika mulk markazi» ЁАЖнинг хабарномаларидаги Утгена тумани СИБ томонидан савдога қўйилган автотранспорт воситаси бўйича аризаларни қабул қилишнинг охири мuddати: 2012 йил 15 февраль соат 18:00 деб ўқилсин. Манзил: Тошкент шаҳри, Олмазор тумани, 1-Корақамиш кўчаси, 1А-уй.

Узгидрометнинг мониторинг хизмати маълумотига кўра,
4 февралда Тошкент шаҳри об-ҳаво шароити шайхар ҳаво муҳитида зарарли моддаларнинг бироз тарқалиб кетишига имконият яратади. Атмосфера-бор. Шарқдан секундида 3-8 метр тезликда шамол эсади. Ҳарорат кечаси — 10-мин қилинмоқда, тағмиқ-12, қундузи — 6-8 даража дори паст бўлади.

ЎЗГИДРОМЕТ
ХАБАР ҚИЛАДИ

Тошкент оқшоми

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар: 233-28-95,
236-57-65. факс: (371) 232-11-39

2007 йил 19 январда Тошкент шаҳар
Матбуот ва ахборот бошқармасида
02-1-рақам билан руйхатга олинган

Нашри етказиб бериш масалалари бўйича турар жойлардаги почта бўлиmlарига ёки
«Тошкент почтаамтига» — 233-74-05 телефонига мурожаат қилишингиз мумкин.
Газета тахририят компьютер марказида терилди ва саҳифланди.

МУАССИС: ТОШКЕНТ ШАҲАР
ҲОКИМЛИГИ

Бизнинг электрон манзил:
vto2007@mail.ru

Душанба, сешанба, чоршанба,
пайшанба ва жума кўнлари чиқадиган
Нашр кўрсаткичи — 563

Ҳажми — 2 босма табоқ, офсет усулида босилди.
11698 нусхада босилди.
Қоғоз бичими А-2

Нашр учун масъул
Д. Исроилов

«Шарқ» нашриёт-матбаа акциядорлик
компанияси босмаҳонаси. Корхона
манзили: Буюк Турон кўчаси, 41-уй

Бoш муҳаррир
Ақмал АҚРОМОВ

Топшириш вақти: 13.00

Босишга топширилди: 15.35

12345